

Skilmálar - eFrakt upplýsingagrunnur

eFrakt er upplýsingagrunnur TVG-ZIMSEN á vefsíðu félagsins. Öll notkun og/eða viðskipti um upplýsingagrunn TVG-ZIMSEN, eFrakt, eru háð þeim sérstöku notenda- og samningsskilmálum (hér eftir “skilmálar”) sem hér koma fram auk hinna almennu skilmála um aðgang og notkun á vefsíðu. TVG-ZIMSEN heldur úti eFrakt upplýsingagrunni og öðrum vefsíðum sem eru tengdar honum og bera þess merki að vera eign TVG-ZIMSEN (hér eftir sameiginlega “vefsíða”) og öllum upplýsingum, hugbúnaði, myndum, myndskleiðum, texta, tónlist, hljóðum, öllu öðru efni og þjónustu sem veitt er á þessari vefsíðu (hér eftir sameiginlega “efni”) til afnota og aðgangs fyrir viðskiptamenn. Skriflegur samningur um aðgang er gerður við þá viðskiptamenn sem óska aðgangs að eFrakt.

SAMÞYKKI SKILMÁLANNA

Með því að fá aðgang að eFrakt samþykkir viðskiptamaður skilmála þessa og að hlíta þeim í einu og öllu.

AÐGANGUR

TVG-ZIMSEN veitir viðskiptamanni aðgang að eFrakt. Aðgangur viðskiptamanns felst í eftirfarandi:

- Upplýsingum um viðskipti viðskiptamanns sem tengdar eru kennitölu hans
- Almennum upplýsingum sem TVG-ZIMSEN hefur til reiðu hverju sinni þjónustubeiðnum og stýringu áskrifta
- Aðgangur viðskiptamanns að eFrakt er einstaklingsbundinn og er viðskiptamanni þar af leiðandi óheimilt að framselja hann eða leyfa öðrum aðila/-um að nýta sér hann á nokkurn hátt. Jafnframt er viðskiptamanni óheimilt að tengja eFrakt við aðra vefsíðu á Internetinu og/eða gera eFrakt að hluta annarrar vefsíðu á Internetinu.

BREYTINGAR OG TAKMÖRKUN Á AÐGANGI

eFrakt hefur heimild til, án sérstakrar tilkynningar, að fella niður aðgang viðskiptamanns að eFrakt ef aðgangurinn hefur ekki verið notaður í að minnsta kosti 40 daga. TVG-ZIMSEN hefur heimild til að rjúfa aðgang að eFrakt fyrirvaralaust og rifta samningi þessum ef viðskiptamaður og/eða starfsmaður hans og/eða annar aðili, hvort sem hann er á vegum viðskiptamanns eða ekki, verður uppvís að misnotkun eða tilraun til misnotkunar sem og vegna annarra brota á skilmálum þessum. Ákvæði þetta um heimild til fyrirvaralauss rofs/riftunar á aðgangi á jafnframt við um allar aðgerðir sem hægt er að rekja til notendanafns viðskiptavinar hvort sem þær eru framkvæmdar með hans leyfi eða ekki.

TRÚNAÐUR OG HUGVERKARÉTTINDI

Öll notkun og meðhöndlun upplýsinga sem viðskiptamaður fær úr eFrakt er á ábyrgð viðskiptamanns og ber honum að fara með þær sem trúnaðarmál og einungis nota í sína þágu. Brot á ákvæði um notkun og meðhöndlun upplýsinga veitir TVG-ZIMSEN rétt til að rifta samningi um aðgang enda eru samningsaðilar sammála um að brot á ákvæði þessu feli í sér verulega vanefnd á samningi um aðgang að eFrakt.

AÐGANGSORÐ OG NOTENDANAFN

TVG-ZIMSEN lætur viðskiptamanni (ábyrgðarmanni) í té aðgangs- og lykilorð. Aðgangur ábyrgðarmanns heimilar honum að framkvæma allar aðgerðir innan eFrakt fyrir tiltekinn viðskiptamann.

ÁBYRGÐ VIÐSKIPTAMANNS Á AÐGERÐUM

Viðskiptamaður (Ábyrgðarmaður) ber fulla ábyrgð á öllum aðgerðum sem framkvæmdar eru með hans notandanafni, aðgangsorði og/eða hvort sem þær eru framkvæmdar af honum sjálfum eða öðrum og hvort sem það er með leyfi viðskiptamanns eða ekki, séu aðgerðir framkvæmdar af ábyrgðarmanni. Misnotkun á aðgangsorði, notandanafni viðskiptamanns (ábyrgðarmanns) verður aldrei á ábyrgð TVG-ZIMSEN og skal viðskiptamaður halda TVG-ZIMSEN skaðlausu af hverskyns misnotkun, hverju nafni sem hún nefnist.

SKILMÁLAR. FLUTNINGUR. ÖNNUR ÞJÓNUSTA

Allar þær upplýsingar og öll sú þjónusta, þar með talin flutningsþjónusta, sem TVG-ZIMSEN lætur viðskiptamanni í té samkvæmt samningi þessum er háð þeim skilmálum, skilyrðum og undanþágum sem fram koma í farmbréfum, frakttilkynningum og öðrum viðeigandi skilmálum TVG-ZIMSEN hverju sinni (hér eftir nefndir einu nafni skilmálar). Framangreindir skilmálar eru felldir inn í samning þennan og skulu vera hluti af honum, en gildandi skilmála má finna á heimasíðu TVG-ZIMSEN www.tvg.is sem og á öllum afgreiðslustöðum félagsins. Staðfestir viðskiptamaður með undirritun samnings um aðgang að eFrakt að hann hafi kynnt sér fyrrgreinda skilmála. Tollmiðlaraskilmálar TVG-Zimsen skulu gilda um öll verk og alla þjónustu sem TVG-Zimsen tekur að sér sem tollmiðlari.

BÚNAÐUR

Viðskiptamaður leggur sjálfur til tölvu og tengingu við Internetið og þann hugbúnað sem nauðsynlegur er til tengingar við eFrakt og ber ábyrgð á því að slíkur búnaður virki. TVG-ZIMSEN verður ekki gert ábyrgt fyrir tjóni, beinu eða óbeinu, sem orsakast kann af bilun í tölvubúnaði og/eða hugbúnaði TVG-ZIMSEN né þeim búnaði sem viðskiptamaður notar til aðgangs að eFrakt.

ALMENNIR SKILMÁLAR

Að öðru leyti en sérstaklega er tiltekið í þessum sérstöku skilmálum um eFrakt gilda almennir skilmálar um aðgang og notkun á vefsíðu TVG-ZIMSENS og tengdum vefum.